

Norðurvangur 15-25.

Í samræmi við skipulags- og byggingarlög samþykkti bæjarstjórn Hafnarfjarðar þann 29. apríl 2003 breytingu á deiliskipulagi fyrir „Íbúðarhverfi í Norðurbæ“ vegna Norðurvangs 15-25. Uppdrættir hafa hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

Brattakinn 1 og 3 og Grænakinn 2 og 4.

Í samræmi við skipulags- og byggingarlög samþykkti bæjarstjórn Hafnarfjarðar þann 27. maí 2003 breytingu á deiliskipulagi fyrir „Lækjargata, Hringbraut og Brattakinn“ vegna Bröttukinnar 1 og 3 og Grænakinnar 2 og 4. Uppdrættir hafa hlotið þá meðferð sem skipulags- og byggingarlög mæla fyrir um.

Breytingin öðlast þegar gildi.

F.h. Hafnarfjarðarbæjar, 2. júlí 2003,

Anna Margrét Tómasdóttir arkitekt,
bæjarskipulagi Hafnarfjarðar.

SKIPULAGSSKRÁ

fyrir sjálfseignarstofnunina, Vélsmiðja Guðmundar J. Sigurðssonar.

1. gr.

Heiti sjálfseignarstofnunarinnar er: Vélsmiðja Guðmundar J. Sigurðssonar.

2. gr.

Heimilisfang sjálfseignarstofnunarinnar er: Hafnarstræti 10, 470 Þingeyri, Dýrafirði.

3. gr.

Tilgangur stofnunarinnar er að varðveita og viðhalda vélsmiðjunni sem lifandi safni um sögu og þróun iðnaðar á Íslandi á 20. öld.

4. gr.

Stofnendur eru: Camilla Sigmundsdóttir, kt. 050817-7099, Gerður Matthíasdóttir, kt. 100749-3279, Guðmundur Jón Matthíasson, kt. 221259-3279, Jónas Matthíasson, kt. 070544-2299.

5. gr.

Stofnendur leggja eftirfarandi eignir fram sem stofnfé:

1. Fasteignina Hafnarstræti 10, Ísafjarðarbæ, fast.nr. 212-5578.
2. Innréttingar, vélar, verkfæri, efnisvörur og skjöl, sem í þessari fasteign eru og tilheyra þeim rekstri sem þar var stundaður.
3. Stofnfé, kr. 1.000.000, -eina milljón króna-.

6. gr.

Tekjuafgangur sem verða kann af rekstri skal renna til stofnunarinnar sjálfrar. Sama gildir um aðrar tekjur, gjafir og framlög, sem henni kunna að áskotnast, jafnt frá opinberum aðilum sem fyrirtækjum og einstaklingum.

Stjórn er heimilt að veita fé úr sjóðum stofnunarinnar, eftir efnum og ástæðum, til málefna er hún telur skyld og/eða styðja starfsemi stofnunarinnar.

7. gr.

Stjórn sjóðsins skulu skipa: Gerður Matthíasdóttir, Guðmundur Jón Matthíasson, Jónas Matthíasson.

Segi stjórnarmaður sig úr stjórn, skal hann skipa annan fyrir sig, maka, afkomanda eða skyldmenni. Verði stjórnarmaður ófær um að sinna stjórnarstörfum eða falli hann frá, skulu lögerfingjar hans skipa mann í hans stað úr sínum röðum eða annað skyldmenni. Sé ekkert skyldmenni fyrir hendi eða tekur ekki tilnefningu er heimilt að tilnefna hvern þann sem aðrir stjórnarmenn geta sætt sig við.

Við atkvæðagreiðslu ræður einfaldur meirihluti. Sitji einn hjá og atkvæði falla jöfn, skal varpa hlutkesti.

Stjórnin ber ábyrgð á fjárvörslu.

8. gr.

Reikningsár skal vera almanaksárið.

Reikningshald skal vera í samræmi við lög nr. 19/1988 um sjóði og stofnanir sem starfa skv. staðfestri skipulagsskrá.

Stjórnin skal ganga frá ársreikningi, endurskoðuðum af löggiltum endurskoðanda, eigi síðar en 1. júní ár hvert.

9. gr.

Skipulagsskrá þessari má því aðeins breyta að 2/3 hlutar stjórnar séu því samþykkir.

10. gr.

Verði stofnunin lögð niður skv. 6. gr. laga nr. 19, 5. maí 1988, skulu fasteign og munir renna til Þjóðminjasafns Íslands, en sjóðseign í Minningarsjóð Estívu Björnsdóttur.

11. gr.

Leita skal staðfestingar dómsmálaráðherra á skipulagsskrá þessari.

Hafnarfirði, 18. mars 2003.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 8. júlí 2003.

F. h. r.
Drífa Pálsdóttir.

Bryndís Helgadóttir.